

На хвалитех стихиры на 4, глас 2: Подобен: Егда от древа:

1. Стих: Хвалите Его на силах Его,/ хвалите Его по множеству
величества Его.

**Приидите, всепразднственное, свѣтлое,/ славное Воскресение, вси
торжествовавши,/ паки празднуем светло торжество Георгия
мученика/ и венчаем сего вѣсненными цветы,/ суца непобедима;/
яко да того мольбами приѣмем// скорбей купно и прегрешений
избавление.**

2. Стих: Хвалите Его во гласе трубнем,/ хвалите Его во псалтири и
гуслех.

**Всего принесл еси себѣ,/ тебе Давшему, всеблаженне, жизнь
всещелую,/ яко всеплодие живо и одушевлено/ и жертву
благоприятну и пречисту./ Темже был еси молитвенник
теплѣйший,/ бури изымая вся,/ верою поющия тя, мучениче// и
призывающия тя, Георгие.**

3. Стих: Хвалите Его в тимпане и лице,/ хвалите Его во струнах и
органе.

**Семя возделав прилежно,/ всеянное Слова в чистой твоѣй
души,/ сие умножил еси болезнми страдания/ и, премудро положен
в Небесных житницах,/ нетленное обрел еси наслаждение./ Егже
ныне насыщая ся, блаженне,/ твоими к Богу молитвами,// верою
поющия тѣ спасай.**

4. Стих: Хвалите Его в кимвалех доброголасных, хвалите Его в
кимвалех восклицаня./ Всякое дыхание да хвалит Господа.

**Мучениче страстоточе Христов, / сущия в напастех нуждных
спаси,/ мольбами твоими от всякаго обстояния избавляя/ и отгоня
душегубную лютую печаль,/ благодати же и милости нам проси,/
яко да молитвами твоими спасшеся,/ радуящеся, почитаем вси //
честныя подвиги твоя, Георгие.**

Слава, глас 2:

Да помавают праведная, рече Соломон, / человеком вежди: / помилуется бо от Христа Бога / видяй правая, предглаголаше. / Удобь же сия внушив, / о многотерпеливе Георгие, / Владычним учением последовал еси / и, беззаконным отдав себе, претерпел еси, / прелести требы оплевал еси, яко мерзски; / тело бо твое дав за любовь Создателя, / все на уды ссещи. / И велиар паче весь, постыдевся, уязвляшеся, / венценосца ты зря совершенна. / Темже во дворех живый Господа твоего с Вышними силами, / моли, страстотерпче Христов, // спастися душам нашим.

И ныне, праздника.

Славословие великое. По трисвятом тропарь святого. Слава, и ныне, праздника. Ектении, и отпуст. И дается святыи елей братии от кандила святого: и час 1-й. На 1-мъ часе тропарь праздника, Слава, святого: И ныне, бгородичен часов. По трисвятом, кондаки праздника, и святого, глаголем прменяюще.

Стихиры на помазании, глас 2: Подобен: Егда от древа:

Вся, яже в житии, презрев, / точно единаго Владыки любви душу привел еси, / великий Георгие, светильниче всемирный, / и к безмерным мукам отлучился еси мужески, / победы красен венец приял еси. / Темже молим тя, блаженне, // моли от бед всем избавитися, поющим тя.

Скорби и лютыя печали, / жития треволнения и бури ныне мя обуревают, / возмущением злых страстей одержим есмь. / Заступниче мой великий, блаженне Георгие, / представ, помози ми присно покровом твоим, / верою прибегающему ти, / яко да радостию сердца, мучениче, // ублажаю тя, спасаемь.

Слава, глас 4:

Приидите, верных собори, / приидите, праздник составим, / ибо пресветлая память днесь явися страстотерпца Георгия / наша просвещает невидимо сердца, / добродетельми блистаючи. / Темже, единомудренно воспевающе, рцем: / радуйся, воине великаго Царя Христа; / радуйся, пресветлая похвало веры; / радуйся, всесветле и пребогате. / О нас, преблаженне, всех Владыку, Христа Бога моли, / сохраним быти от искушений лукаваго // и спасти души наша.

На литургии:

Блженна, праздника песнь рядовая, и от канона святого, песнь 3.

Тропарь, глас 4:

Яко пленных свободитель/ и нищих защититель,/ немощствующих
врач,/ православных поборниче,/ победоносче, великомучениче
Георгие,/ моли Христа Бога// спастися душам нашим.

ин тропарь, глас 4:

Подвигом добрым подвизался еси, страстотерпче Христов,/ верою
и мучителей обличил еси нечестие,/ жертва же благоприятна Богу
принеслся еси./ Темже и венец приял еси победы// и молитвами,
святе, твоими всем подаеши прегрешений прощение.

Кондак, глас 4:

Возделан от Бога,/ показался еси благочестия делатель
честнейший,/ добродетелей рукояти собрав себе:/ сеяв бо в слезах,
веселием жнешь,/ страдальчествовав же кровию,/ Христа приял
еси// и молитвами, святе, твоими всем подаеши прегрешений
прощение.

**Прокимен праздника и стаго, глас 7: Возвеселится првник о Господе, и
уповаетъ на него.**

Стих: Услыши, Боже, глас мой, внегда молити ми ся к Тебе.

Апостол дне, и святого, деяния, зачало 29.

**Аллилуия дне, и святого, глас 4: Праведник яко финих процветет: Стих:
Насаждени в дому Господни, во дворех Бога нашего процветут. Евангелие
дне, и святого Иоанна, зачало 82.**

Причастен праздника, и святого: В память вечную будет праведник:

На трапезе утешение братии.